



舟州山人四部稿卷之一百七十四

吳郡王世貞元美著

說部

宛委餘編十九

漢武內傳王母設膳於漢武乃命王子登彈八音之
璈董雙成吹雲龠之笙石公子擊昆庭之鐘許飛瓊
鼓震靈之簧阮靈華拊五雲之石范成君擊洞陰之
磬段安香作九天之鈞武夷山古記秦始皇二年八
月十五日武夷君魏子騫會鄉人於幔亭命張安陵
打引鼓趙元奇拍副鼓劉小禽坎鈴鼓魯少重擺鼗

鼓喬知滿振嘈鼓高子春持短鼓鮑公希吹橫笛何
鳳兒拊節板東幄奏賓雲左仙之曲次命董嬌娘彈
坎篴謝英妃撫長琴呂荷香曼國腹即琵琶黃次姑噪

悲慄即篳篥秀淡鳴洞簫宋小娥運居巢笙羅妙容揮

鈿鈔銅西幄奏賓雲右仙之曲行酒進食乃令彭令

昭唱人間可哀之曲二事及樂器名多異因記於此

○四真降南嶽魏夫人各有歌太極真人方諸青童

扶桑神五清虜真人王母贈魏夫人歌雙禮珠彈雲

璈而答

高仙盼游洞靈見上清元君龜山君二真乃命持文

王延賢于廣運等彈心林琅玕之璈安德音范四珠

擊昆明之筑左抱容韓賢賓吹鳳鸞之簫趙運子李

慶王拊流金之石辛白鵠鄭辟方燕婉來回雙連等

四人合歌

九華安妃降楊司命有紫微王夫人右英王夫人桐

栢山真人清靈真人中候夫人昭靈李夫人太虛南

嶽真人赤松子方諸青童南極紫元王夫人俱作歌

又楊君夢游蓬萊山有石慶安張誘世許玉斧丁瑋

寧俱作詩此外青靈大君西成真人王小有真人王

方諸東華靈妃太微玄清左夫人禁元中郎將辛亥

子定錄中候茅季偉俱有詩

周子良為華陽弟子有保命府丞樂道士嵩高馮真人張仙卿洪先生華陽童俱授詩

神仙之跡未有如晉許氏之盛而亦未有如許氏之不相蒙者陶貞白極重真誥真誥稱許穆與兄揆次兄虎牙子玉斧門客楊羲俱為仙官而羲穆最貴中有許邁與穆二書貞白所著許長史碑穆世名謚仕至護軍長史散騎常侍得道卒年七十二揆世名毗虎牙名聯皆得道又云第四兄字遠游永和四年嘉遁不返晉書許邁傳字叔玄一名快句容人後名玄

字遠遊與王右軍善游名山不知所終好道者謂之羽化然不為謚作傳亦不及其仙事而今世所崇奉許真君者名遜據列仙傳為遠游弟當與郭景純俱參王敦軍切諫景純兵解而真君隱去以陰功重僊品最高為九天採訪使真誥又略不之及何也晉史既非隱書真誥亦是真文貞白又煥然如彼而許真君又赫然如此都不相及何也右軍有玄度腫至一帖黃長睿楊用脩遂引以駁晉史謂玄度實病死乃云服巨勝仙去不知玄度乃許詢非邁也續晉陽秋曰詢字玄度高陽人風情簡素辟司徒掾不就早卒

世說盛稱之晉史既不為詢作傳僅附見孫綽傳中亦無服巨勝語此皆不可曉者

抱朴子載華譚字令思高才洽聞之士也而事之不經者多所不信後有道士說黃白之方乃試令作之曰以鐵噐銷鈔散藥投中即成銀又銷此銀以他藥投之乃作黃金又從此道士學徹視之方行之未百日即卧便見天文及四隣了了不覺復有屋室籬障又妾石瑤華者已死乃見形與之言語如平生又祭廟聞廟神答其拜牀似動有聲譚乃歎曰世間乃定無所不有五經雖不載不可便以意斷也真誥云華

僑者晉陵冠族世事俗禱初頗通鬼神常夢同共饗醞每爾輒靜寐不覺醒則醉吐狼籍俗神恒使其舉才用人前後十數若有稽違便坐之為譴僑忿患遂入道於鬼事得息漸漸仙真來游始亦止是夢積年乃夜半形見裴清靈周紫陽至皆使通傳音意於長史而僑性輕疎多漏說冥旨被責仍以楊君代之僑後遷江城縣令家因居焉今江乘諸華皆其苗裔也二華事頗相類又皆涉仙道因筆於此以俟其後人補譜傳之遺

真誥所載楊羲仙階甚重第運題象首章仙女愕綠

華以升平三年十一月十日夜降羊權家贈詩一篇
并致火浣布手巾一枚金玉條脫各一枚又興寧三
年乙丑六月二十五日夜紫微王夫人同金臺李夫
人少女九華真妃降楊室備言真妃服飾之美年齡
之少又顏容瑩朗鮮潔如玉五香馥芬以一枚乾棗
食之所謂得敘姻緣懽願於冥運之會依然松蘿之
纏及臨別小留在後執手下牀恐非宜也惟相贈二
詩有相攜雙清內上真道不邪又上道誠不邪塵滓
非所聞度幾不涉魔境耳至六月二十六日口授書
亦然而加詳僑以泄漏被斥楊君筆之書乃不罪何
也

第二卷有九華安妃此即林靈素所稱明節劉后者
也

第四卷保命君答許長史云郝回父無辜慘人數百
口取其財寶殃考深重惋主恒訟訴天曹法應滅門
但回脩德既重一身免脫子孫豈得全耶回當保其
天年但仙道之事去之久矣回方回也父即鑒也陶
隱居注鑒清儉有志行不應殺掠如此或是初渡江
時攝併所致不爾則在涼時殺賊有濫也又小君說
郝鑒今在三官為劉季姜所訟爭三德事却後紫微

夫人又言郝回若得道者乃當為太清監隱居又注
鑒年七十餘終即保為禮官職頗矛盾不可曉

又真誥內保命君云左理中監大府長史韓崇字長
季吳郡毗陵人累遷汝南太守年七十四得隱解法
入大霍山注晉陵上有韓墓右理中監王瑋玄是楚
莊王時侍郎受術於玉君注若是春秋時楚莊王者
疑侍郎之官不似古職漢楚王無莊謚後任者劉翊
字子翔潁川人舉計掾到長安拜郎中遷陳留太守
行達陽平遇馬皇先生將入桐栢山中注漢書字子
相潁陰人為郡功曹拜議郎出為陳留太守出關殺

車牛以濟知故不繼遂俱餓死定錄府執法郎淳于
斟字叔顯會稽上虞人作徐州縣令大將軍辟掾後
入烏目山中注叅同契淳于叔通舉方士為洛陽市
長太極仙侯張奉字公先河內人太傅袁隗妻以女
後棄世入剡山得道領九宮尚書注魏書張範字公
儀河內脩武人太尉袁隗妻以女不受仕為議郎建
安十七年卒弟承字公先累拜趙郡太守隨魏武西
征病亡王脩傳往來南陽止張奉舍然此張奉河內
人明晨侍郎張桃枝司隸校尉朱寓季陵母與陳蕃
同誅注寓故在八俊列同李膺杜密下獄死不與陳

番同誅中君言童初府上帥劉寬文饒為司徒太尉
年七十三遇青谷先生授杖解法注為太尉中平二
年卒年六十三又真誥許長史七世祖肇字子訶注
檢譜七世祖名敬字鴻為光祿勳拜司徒應劭漢官
儀載崔瑗表許敬年且百歲猶居相位其不能無矛
盾如此又注謂蜀司徒許靖字文休是長史六世族
祖徵士邵字子將是五世族祖尤誤按文休於子將
為從兄俱知名並有人倫之稱而私情不協子將為
郡功曹排擯不得齒敘以馬磨自給今注似靖與劭
父子何也其漏誤如此黃長睿乃欲引以證黃庭之
誤耶

古稱生為名臣歿為名神其最炳著者北土則城陽
景王江左項王神於吳興尤烈及江神伍相員按景
王即朱虛侯劉章平呂氏之亂封王之二年而卒僅
可二十四五歲項王據吳興太守正衙為祠太守避
不敢居每履任則殺車牛以祭之不然立死其幸而
不死者一二人耳而臨汝侯蕭猷至每享神輒對飲
盡歡竟日比散神像亦色赭又嘗為猷破大盜見猷
傳員素車白馬驅江潮神亦著唐狄仁傑采訪江南
盡毀諸淫祀獨留員及泰伯季札祠而移檄項王喻

以大義乃毀其吳興廟自是絕盼饗而城陽祠久不著伍相靈亦漸消歇豈鬼神之氣不復能持久耶關壯繆侯羽初不聞為神後至隋世於荊州玉泉寺見靈跡尚未表章至宋崇寧時以破蚩尤復鹽池見靈遂封為崇寧真君今香火徧天下兒童婦女皆知崇重則又久而始見神不可曉也

伍員死而為江海之神見古本吳越春秋越絕書錄異記吳會分地記水經注史記正義其事甚詳獨怪其神今不著響以為英靈漸消散耳偶覽湘中記子胥廟古銅器宋元嘉中沙門釋亮啓此廟器鑄文六金像夜夢神語云今捨此器相與發願免此神形豈果由此得解脫耶抑釋亮故為此說耶要之佛語謂六道皆有罪業斯言當不誣耳

狄梁公盡毀諸淫祠獨留秦伯季札伍員而於吳興項王廟馳檄以毀之其盼饗遂歇今據其文曰鴻名不可以謬假神器不可以力爭應天者膺樂推之名背時者非見幾之主自祖龍御宇橫噬諸侯任趙高以當軸棄蒙恬而齒劔沙丘作禍於前望夷覆滅於後七廟墮圯萬姓屠原烏思靜於飛塵魚豈安於沸水赫矣皇漢受命玄穹膺赤帝之貞符當四靈之缺

運俯張地紐彰鳳紀之祥仰緝天綱鬱龍興之兆而君潛游澤國嘯聚水鄉矜扛鼎之雄逞拔山之力莫測天符之所會不知曆數之有歸遂奮關中之翼竟垂垓下之翅蓋實由於人事焉有屬於天亡雖驅百萬之兵終棄八千之子以為殷監豈不惜哉固當匿魄東峰收魂北極豈合虛承廟食廣費牲牢仁傑受命方隅循革攸寄今遣焚燎祠宇削平臺室使蕙幃銷盡羽帳隨煙君宜速遷勿為人患檄到如律令然吳興項王碑陰有顏魯公題云西楚霸王當秦之末與叔梁避仇吳中蓋今之湖州也雖滅秦而宰制天下其魂魄猶思樂茲邦至今廟食不絕其神靈事迹具竟陵子陸羽所載圖經大曆七年真卿蒙刺是州十二載姦臣伏法息命進真卿上都剋期首路竟陵是諗予以故碑顛趾嘗因仍草莽已而復之真卿乃命崇樹以紀之時則仲夏方生明之日觀此題則顏公時廟尚在祭祀不絕豈狄公既毀而湖人竟復之耶二公俱以忠直方正名而所見不同如此

今所稱正一嗣教大真人張氏者其始祖天師張道陵即張陵也同時張角行天師道持九節杖為符祝教病人叩頭思過因以符水飲之陵法略與角同加

思靜室服罪之人一著山上上之天一埋之地一沈之水謂之三官病者家出五斗米故號曰五斗米師角在中國事露至反族滅漢亦因以亡而陵在蜀漢用僻故幸不敗傳至子衡孫魯遂據巴漢垂三十年曹操破之始請降封侯萬戶五子皆侯傳國累葉至唐宋間復世掌道教繡玉縑傳遂與宣聖之裔相終始而寵幸時過之良可笑也

李膺蜀記云張陵避病瘡於丘社中得呪鬼術書為是遂解使鬼法入鵠鳴山自稱天師漢熹平末為蟒蛇所噙子衡奔走尋屍無所乃假設權方以表靈化生縻鶴跡置石崖頂到光和二年遣信告曰正月七日天師昇玄都衡為係師衡子魯為嗣師以法惑亂天下然則今之所傳張道陵者乃蛇腹之餘食耳李膺非元禮漢蓋有兩張衡兩李膺也

宋崇寧時蚩尤神懷鹽池帝勅天師張虛靖召關羽勝之鹽池復故封羽為真君今所傳祠廟尚有破蚩尤畫壁按黃帝經序云黃帝殺蚩尤其血化為鹵今之解池是也則蚩尤之主鹽池其說久矣

今人稱玉皇曰張大帝又曰祠山張大帝酉陽雜俎載其事尤可笑云天帝劉翁者惡張翁欲殺之張翁

金州山人稿卷之二十四
世經堂刻
蓄一白雀恒先期為備劉翁自下觀之張翁盛陳賓
主醉其從官策乘龍上天塞北門劉翁徘徊不能上
乘其餘龍人間為災張翁患之封之太山及覽殷芸
小說晉咸康中周興死而復生天帝召見升殿仰視
紫氣鬱鬱面方一尺問左右曰是古張天帝耶答曰
上古天帝久已仙去此是近曹明帝耳

太宗嘗夢二神人言南處海濱來輔家國明日禮官
言閩中靈濟二真君事遂遣使函香請神像於宮城
西南作宮祀之 英宗初加封九天金闕明道達德
大仙顯靈普濟清微洞玄冲虛妙感慈惠護國庇民

崇福洪息真君九天王闕宣化扶教上仙昭靈博濟
高明弘靜冲湛妙應仁惠輔國佑民隆福洪息真君
記文稱二神皆南唐義祖之子一名知證封江王一
名知諤封饒王按南唐書江王知證後進封魏王元
宗時猶在入宮行家人禮卒年四十三饒王知諤為
金陵尹進封梁王博采奇物寶貨充牣嘗以五十萬
錢易蜀客鳳頭朱冠紺毛金喙星眼文彩如生人咸
異之後遊秣山除地為廣場編虎皮為大幄率僚屬
會於下號曰虎帳忽暴風飄帳碎如飛蝶知諤驚遽
棄歸數日卒二子事如此耳其神與否吾不得而知

也但生既無功德於民死又無禦災捍患可見之跡而禮崇 聖朝爵亞 上帝不亦負乘之至幸者乎

○今天下所最崇重者太嶽太和山真武及岱嶽碧霞元君當永樂中建真武廟於太和幾竭 天子之

府庫設大璫及藩司守之而二廟歲入香銀亦以萬計每至春時中國焚香者傾動郡邑真武號百字有

混元六天傳法教主脩真悟道濟度群迷普為衆生消除災障八十二化三界祖師大慈大悲救苦救難

三元都總管九天游奕使左天罡北極右垣大將軍鎮天助順真武靈應福德衍慶仁慈正烈協運真君

治世福神玉虛師相玄天上帝金闕化身蕩魔天尊敘其得道之由以為在此山然大略掇拾佛氏脩行之跡而已真武蓋北方玄武之神以避宋宣祖諱故

名真武龜蛇亦取北方像耳而加以大將軍號又碧霞元君者其說起於華山上有小石池水冬夏不

涸因名之曰玉女洗頭盆附會者因謂玉女為王母第三女又轉訛而為太山至使嶽宗之神降若侍衛

者俱可笑也且以西嶽之神而據東嶽位以北方之神而據西南方位其事若符契語所謂有其人則有

其神信哉

金州山人稿卷之二十四 世經堂刻

按神異經云西方大荒中有聖人焉長丈其腹圍九尺踐龜蛇戴朱鳥然則後人於大石中得龜蛇像歸之真武者疑即此徵也真武以此聖人擬之亦可若謂神農時有淨樂國王皇后之說尤不經可笑

今文昌祠所祀梓潼帝君即張惡子神也其所著化書余為紀其大略張氏出黃帝之子名揮始造弦張羅網世掌其職因以張為姓顯於吳神初為山陰張氏子有孝行傳法籙醫藥救人為周醫氏事周公以壽終將造西方尋上聖之道至洞庭而栖止為君山主久之復投胎於諫臣張無忌妻黃氏為遺腹子詩

所謂孝友張仲事宣王為卿士幽王初以直諫賜醜死魂游於雪山為雪山神治蜀有功凡武都男化婦秦誑蜀以金牛五丁拔蛇而壓死事皆與聞之蛇即所化也尋為漢帝子曰趙王如意為呂后所殺魂散蕩無所歸孝宣世至邛池其令曰呂牟呂后之後身也邑人多呂氏母戚夫人亦生於戚嫁張翁老無子相與割臂出血瀝野田石曰中覆而祝曰我無子倘得一動物生焉亦遺體也自是感而托生化為蛇金色逾年頂生角腹生足能自變化成雲雨見羊豕犬馬輒食之呂令有馬縈而駿亦呂產之後身也拘而

啖之令知其故繫張翁夫婦於獄欲殺之乃吸雲霧
 化風雷白日晝暝揚海水為雨灌注城邑周四十里
 皆陷載父母而出今所謂陷河也以所殺多譴為邛
 池龍受熱沙小蟲之苦遇釋迦文佛飯誠脫罪復生
 於趙國張禹名勲為清河令有循吏聲告歸卒復生
 於世為張孝仲時順帝之永和間也西晉末復生於
 越雋之間張氏時夢治水府尋為吏所請跨白驢而
 去到一山下有古湫入石穴悟七十三化遂改形入
 咸陽見姚萇按王氏見聞所載陷河神張惡子事略
 類唯云雋州雋縣而不言邛池耳又云姚萇遊蜀至

梓潼嶺神謂之曰君早還秦秦無主在其君乎請其
 氏曰張惡子也後據秦即其地立張相公廟僖宗幸
 蜀神出迎帝解佩劍賜之還日施遺珍寶無數王中
 令鐸有詩云夜雨龍拋三尺匣春雲鳳入九重城窮
 神秘苑亦載此事而略止稱云是一老姥以令殺姥
 故陷為湖在益州邛都縣其陷地土人謂之邛河又
 曰邛池姥故宅基獨不沒漁人採捕恒止宿又言此
 水清其底猶見城郭樓檻宛然又北夢瑣言梓潼張
 蠶子神乃五丁拔蛇之所也或云雋州張生所養蛇
 其神甚靈偽蜀王建太子元膺聰明博達騎射絕倫

身州山人稿卷之百七十四
牙齒常露蛇眼黑色兇惡鄙褻通夜不寐竟以作逆
誅誅之夕梓潼廟神亟為神蛩子所責言我在川今
始方歸何以致廟宇荒穢如是耶審爾則釋氏所謂
神道為業障殆非虛矣水經又載武強縣人行途見
一小蛇疑其靈養之名曰檐生長而噬人里中患之
捕繫獄檐生負而奔一邑長吏皆為魚

黃帝元妃螺祖死于道帝祭之以為祖神令次妃嫫
母暨護于道以時祭之因以嫫母為方相氏見軒轅
本紀

顓頊氏三子亡而為疫鬼一居江水為產鬼一居若

水為魍魎鬼一居宮室區隅善驚人為小鬼

武當山一名謝羅山蓋以謝允仙跡也酈道元水經

注引荊州圖副記晉咸和中歷陽謝允為羅令棄官

隱遁茲山得道仙去故名又甄異傳云歷陽謝允字

道通年十五為蘇峻賊兵王免所掠賣東陽蔣鳳家

嘗飼虎檻中狗入則一虎攀木仰視允謂虎曰此檻

木本為汝施而我幾死其中汝不殺我我放汝乃開

檻出虎賊平之後詣縣自理烏程令張球不為申別

桎梏考楚允夢見一人謂曰此中易入難出汝有慈

心當拯醒覩一少年通身黃衣忽進獄與允言語

世經堂

獄吏知是異人不敢枉蒙理還都西上武當山太尉
庾公聞而愍之給其糧資隨到襄陽見道士說吾師
戴先生非世間人也云若有西上欲見我者可將來
君是謝允否允因隨去入武當山齋戒三日進見先
生乃是昔日所夢人也問允復見黃童否因賜以神
藥三丸服之便不饑渴無所思欲戴先生亦無常處
時有祥雲紫氣蔭其上或聞芳香之氣徹於山谷按
戴先生即漢武帝所遣殿上將軍戴氈生也甄異傳
所載詳備如此而不言嘗作羅令不可曉又續搜神
記云謝允從武當山還在桓宣武坐言及左元放為
曹公致鱸魚允便云此可得耳求大甕盛水朱書符
投水中俄有二鯉鼓鬣而味然則允得道後又嘗出
山矣今人登武當但知有真武而不知有謝允故備
載之

野史載卞忠貞墓見發屍如生鬚髮蔚然指爪達於
背至顏文忠尤異二君豈所謂兵解者耶文忠素好
道術得神丹歿後能寄書及黃金於其家固爾若忠
貞則傳謂其疽發背方愈與二子苦戰被殺且生平
剛峭豈知所謂道術者至京房已僂而義熙中兵發
其墓屍尚完具人以為僵屍肉堪療病分割之房以

易道明能前知生不能保其身而歿又不能保其屍
大可笑也

陶隱居弘景有賈嵩所撰傳序額為詳覈與姚思廉
梁書李延壽南史各有不同因互記之傳云長七尺
二寸疎眉長額右肩有紫誌如錢右股有數十黑子
闌于如斗形梁書云長七尺四寸朗目疎眉細形長
耳南史則云長七尺七寸朗目疎眉細形長額聳耳
耳中各有十餘毛出外二寸許黑子同賈傳州府辟
召不起與劉秉子侯善秉後與侯下建康獄死躬自
收殯因紀僧真見齊高帝於新亭大相推愛俾居帳

內為其子侍讀高帝即位為豫章侍郎不受隨安成
王出鎮石頭世祖初拜振武將軍宜都王侍讀總知
記室叅軍尋除左衛殿中將軍時論稱屈謁東陽孫
遊嶽受道家符圖明年遊茅山杜京產於太平山尋
沙門鍾義山於罪山謁朱僧標於天台山乃還都由
振武除奉朝請表辭官所善宜都王鏗以裘鏡贈別
給在山吏役二傳直云為諸王侍讀除奉朝請及李
傳云脫朝服挂神武門上表辭祿詔許之賜以束帛
敕所在月給茯苓白蜜二升梁書不云賜茯苓白蜜
賈傳則云欲抱朝服挂神武門襲鹿巾與王晏別語

此事以為不宜故表辭而已又梁書南史俱云止於
句容之句曲山及永元初築三層樓弘景處其上第
子居其中賓客至其下與物遂絕皆與賈傳同而賈
傳所云夜半出山上東陽仍停長山進赤巖宿瞿溪
石室入楠溪青嶂山過牛岑出海口復自海道還永
嘉乃還華陽上二傳皆不載又解真碑言隱居遷化
年八十一姚書及李傳俱云八十五賈傳云鼎事累
營不諧乃非都無彷彿每開鼎皆獲輕華霏霏或光
明廉稜如霜雪無雜色十八年所獲嚴鏐光華過於
前者皆似五六出花劍鋒鴈齒姚李二傳皆無之其
所載簡文臨南徐欽其風素召至後堂以葛巾進與
談論數日而去天監中獻丹於武帝中大通初又獻
二刀一名善勝一名成勝並為佳寶賈傳不之及也
李傳又云無疾而卒賈傳乃云病八日亡亡時恬然
乃去其事跡不同如此

隱居弟子桓法闔字彥舒高道傳云不知何許人事
隱居於茅山華陽館十餘年一日有二青童一白鶴
自空而下集於庭隱居欣然而接謂已當之青童曰
太上所命者桓先生也隱居默計門人皆無姓桓者
索之唯得執役桓法闔馬詰其所致則曰常脩默朝

之說而法闔受法高第亦非執役者明矣
漢武帝與奉車子侯登泰山封禪後暴卒奉車者官
也子侯者小侯也霍去病之子仙傳因誤為車子侯
曰扶風也漢武帝稍遷其位至侍中一朝仙去其誤
如此

武夷山志有魏王頭顱骨大如斗按真仙通鑑云昔
有魏王名子騫在同州立王城對大王石東去十里
今城址尚在又云有張湛孫綽白石先生男女十二
人詣此山求道謁魏王為地主時天旱魏王置酒酺
祭仙祈雨有仙人乘雲鶴而下張湛獻詩一絕云武

夷山下武夷君云云仙人甚喜乃授以道要許居此山至八百年後方換骨歸天至期果爾脫化其骨藏長棺於小藏巖凡十三具按春秋以前諸侯無封魏王者戰國時魏王又不南徙且其時無七言絕詞旨凡鄙其為附會無疑

郭璞詩所謂右拍洪崖肩及洪崖頷下頤者姓張或云黃帝之臣伶倫也又云神農氏師堯時已三千歲漢武帝時衛度世入華山尋其父叔卿叔卿與數人博問為誰則洪崖巢父許由之類是也真誥云洪崖先生今為洞真在青城山其隱跡在豫章西山洪井在伏龍山北崖左右相傳為煉丹處若宋人畫所謂長七尺五寸戴烏帽衣紅蕉葛衫烏犀帶短拘鞞竹杖跨白驪從者五曰橘栗木葛拙負六角扇垂雲笠方木鐙二玄書木如意長生瓢魏惠壺不柱杓者張蘊也自稱洪崖先生或云即其後身蓋詩畫二家之所稱實有兩洪崖不相蒙也

抱朴子載古強事極可笑而廣記諸書不載聊為識之蓋樂大公孫卿蔡誕之所不如也強服草木又頗形容成玄素之法年八十許尚聰明不大羸老時人便謂之仙人或謂之千載翁者揚州嵇使君聞而迎

之強曾獵涉書記頗識古事自云已見堯舜禹湯說之皆萬萬如實也世云堯眉八采不然也直兩眉頭甚豎似八字堯為人長大美髭髯飲酒一日中二斛餘世人因加之曰千鍾實不能我自數見其大醉也雖是聖人然年老治事轉不及少壯時及見去四凶舉元凱賴用舜耳舜是孤兒小家兒耳然有異才隱耕歷山漁雷澤陶海濱時人未有能賞其奇者我見其所在以德化民因又有重瞳知其大貴之相常勸勉慰勞之火德已終黃精將起誕承歷數非子而誰然其父至頑其弟殊惡恒以殺舜為事吾嘗諫諭曰

此兒當興卿門宗四海將受其賜不但卿家不可取次也俄而受禪嘗憶吾言之有徵也又云顏母年十六七時吾相之當生貴子及生仲尼真異人也長九尺六寸其頭似堯其項似臯陶其肩似子產自腰以下不及禹三寸雖然貧苦孤微然為兒童便好俎豆之事吾知其必當成就及其長大高談驚人遠近從之受學者著錄數千人吾喜聽其語但不學不能與之覆疏常勸我讀易云此良書也丘竊好之韋編三絕鐵鍋三折今乃大悟魯襄公十四年西狩獲麟麟死孔子以問吾吾語之言此非善祥也孔子乃愴然

而泣後得惡夢欲見吾時四月中盛熱不能往尋聞
之病七日而没于今彷彿記其顏色也又談秦始皇
漢高項羽事凡人聞之皆信其言又強轉婚者廢忘
事機稽使君曾以一玉卮與強後忽語稽曰昔安期
先生以此物見遺後病死壽春黃整家卒無他異此
可發一大笑

弇州山人四部稿卷之一百七十四

弇州山人四部稿卷之一百七十五



說部

上

鳳

小曰金川曰鍾阜東曰

仁曰儀鳳後 經儀二門宅

十六曰麒麟曰仙鶴曰姚

橋曰夾岡曰上方曰六馴象曰

工東曰佛室曰上元曰觀音北京城

門 山陽南 右曰宣武北

安定 德勝東之南曰 北曰東直西之南曰

阜成北曰西直嘉靖間 虜患築南關廂外城

東西七三里南北五里凡六門按鳳陽北坦多風

沙易水易阜蒿萊不剪此固非帝王都也

高帝初以豐沛故不免有畫繡意遂創立中都而誠

意伯有不堪之議二十六年 皇太子巡關中以地

圖上且建都矣以 太子薨而止南京乘長江之險

龍蟠 皓然亦太迫於江風濤擊撞宮市不寧是以

有側 山非宅中北京雖號稍東北與虜近而南與

餉遠然左滄海右太行風氣敦厚長安之下此其取

也帝都自唐虞三代外長安秦 年近三百

年隋唐共三百餘年更始漢末共十餘年偏王秦百

餘年劉曜二十年符秦四十年姚秦三十年西魏字

近四十年至今未有 然聞其形勢沃楚天

下莫及洛陽周五百年東漢二百年西晉四十年偏
王魏燕各二十年元魏五十八年大梁帝都宋百五
十年偏王五代四十餘年金十餘年燕京帝都元百
年我明百七十年偏王遼金垂二百年金陵帝都
五十餘年偏王孫吳近六十年晉及六朝一百五十
年此皆號令宇內地也

天下古京二都曰北京順天府南京應天府中都
鳳陽府興都承天府中都則以皇陵興都則以
顯陵二都皆設留守而二府不能同京尹之秩勢有
所不能也

洪武初

高皇帝建宮殿於南京金水橋之北曰承天門又北
曰端門又北曰午門又北曰奉天門又北曰奉天殿
曰華蓋殿曰謹身殿建文攷周制改承天門為臯門
端門為應門午門為端門謹身殿為正心殿

文皇初詔復故久之建宮殿於北京名額如之無何
三殿災至宣德中完嘉靖三十七年又災延燒奉天
午門至端門俱盡詔重建改奉天門曰大朝門殿曰
皇極華蓋曰中極謹身曰建極左右樓曰文昭武成
順門曰會極歸極世宗極重天而奉天壓天字居

下故亟易之然 建文之改

文皇適以為罪而皇極等名隣於六極之說隆慶初
余嘗有疏言之不行

大明輿地東起朝鮮西至嘉峪南濱海北連沙漠南
北直隸府二十三州四十縣二百一十承宣布政司
十三屬府一百一十八羈縻一十九州一百五十三
羈縻四十七縣九百二十八羈縻六總為府一百五
十九州二百三十四縣一千二百一十四宣慰司一
十一宣撫司一十一安撫司二十二招討司一百長
官司一百六十九蠻夷長官司五除夷戶外實計里

六萬九千五百五十六戶九百三十五萬二千零一
十五口五千八百五十五萬八千零一夏秋二稅共
米麥二千六百零八萬五千九百一十六石京通二
倉臨德淮漕四倉每年漕運米四百萬石絹二十萬
五千五百九十八匹絲一萬七千零三斤又三百一
十六萬八千一十七兩綿花二十四萬六千五百六
十二斤綿布一十三萬八百七十七匹麻布二千七十
七疋洞蠻席布二百五十九條苧六十五斤鈔八萬
一千二十五錠零一百八十四貫馬草一千四百六
十九萬五千九百九十一包又一千一百一十六萬

二千六百四十三斤歲辦鹽一百一十七萬六千五百二十五引又鹽價并引價銀四萬六千一百五十八兩太倉庫歲額運銀一百四十九萬兩內夏稅五萬五百餘兩秋糧九十四萬四千八百餘兩馬草折銀二十三萬七千餘兩鹽課折銀二十餘萬兩雲南開辦三萬餘兩馬驢騾足二十萬一千一百

長淮以北中原之地及三楚田蕪而不墾即墾者匿畝而不報浙東江右閩廣之地糧太輕而獨取重於蘇松嘉湖常之五郡而已茶酒市稅房租之利不能如唐宋之講求而備邊宗藩之費十百之此帑藏之所以日匱也

按永樂初平安南即其地建府十七州五屬州四十一縣一百五十七衛十一守禦千戶所三戶三百一十二萬 國家視漢失朝鮮唐失交趾而取贏於大理楚雄諸郡乃其過宋遠矣

嘉靖二十八年宗人府上 王牒親王至庶人見在一萬九千八百九十三位名又有未開到陽曲永和二府及南京齊庶人建庶人後總不下一千位名郡主縣主孫君鄉君以下共九千七百八十三位嗚呼今又十年矣其未封未名者悉已封矣又十年而人

各益一且四萬矣親王至米萬石軍校官僚府第婚喪之費又不下數萬下至於庶人而人各歲百石居第二百金婚娶百金此不可已也地力有限生育無窮將柰之何哉以有限之資填無窮之浪非也以帝室之胄而錮之一城之內坐視其貧賤而不為所亦非也然則將軍而上仍貫手中尉可弗爵矣量親踈給貲使徙箸從事於四民拔其賢者能者而同升諸官庶耳

洪武九年定諸王公主歲供之數親王歲支米五萬石鈔二萬五千貫錦四十疋紵絲三百疋紗羅各一百疋絹五百疋冬夏布各一千疋綿二千兩鹽二千引茶一千斤馬匹草料月支五十疋其段疋歲給匠料付王府自造靖江王歲米二萬石鈔一萬貫餘物比親王減半馬匹草料月支二十匹公主未受封每歲支紵絲紗羅各一十疋絹冬夏布各三十疋綿二百兩已封賜莊田一所計歲收米一千五百石鈔二千貫親王子男未受封歲支紵絲紗羅絹冬夏布綿同公主未封例女未封者減半男已封郡王者歲支米六千石鈔二千八百貫錦一十疋紵絲五十疋羅二十五疋絹及冬夏布各一百疋綿五百兩鹽五十

引茶三百斤馬疋草料每月支十疋女已受封及已
嫁者歲支米一千石鈔一千四百貫其段疋於所在
親王國帶造皇太子次子既封郡王後候出閣歲支
與郡王同女及嫁者與郡王已封女同按是時親藩
既少而物力方茂故所定如此及查會典所載周王
二萬石襲封萬二千石秦晉楚蜀慶魯寧藩趙鄭襄
荆淮德秀崇吉徽興岐益衡雍壽汝涇榮王各一萬
石代王六千石唐王五千石遼韓伊王二千石岷王
千五百石肅王一千石與前迥異豈非慮宗支蕃衍
為式貢之地耶然中間差等不一如岷王之千五百
石肅王之千石反不如他府之初封郡王尚有二
千石而岷府之郡王五百石更不若本府之鎮國尚
有一千其他如代府之六千唐府之六千韓府之三
千遼伊之二千或係轉餉之難或係暫作行糧俱不
可曉也又惟周王本色二萬石或以太宗母弟之故
至其子孫尚存萬二千則秦晉二王獨非太宗之母
兄乎

洪武三年大封功臣六公二十八侯唯魏公存耳所
謂西平武定皆後封者景泰中錄誠意伯劉基後為
世襲五經博士弘治壬子上念六王如開平岐陽寧

河東甌之裔皆為編氓乃徵其嗣孫常復李璿鄧炳
湯紹宗並授南京錦衣衛指揮使五經博士劉瑜為
處州衛指揮使中外仰頌上不遺勛舊恩德如天矣
嘉靖中詔進常氏爵懷遠侯李氏臨淮侯鄧氏定遠
侯湯氏靈壁侯復故劉氏封誠意伯蓋因弘治之典
而加厚之所以風厲天下意甚至也第人知有六王
而不知有六公如馮宋公勝者特以卒於建文初一
時兵興匆匆不及議追恤耳李韓公善長雖以嫌疑
致殞然反狀殊未明見於解學士所代論寃狀甚悉
也其功豈在鄧侯下哉傳穎公友德從下中原首定
蜀定雲南功可與開平埒固非岐陽寧河比也卒偶
同宋公耳今置而不一及得乎愚謂宋穎二公後宜
特封如四侯故事韓公後量與伯爵如誠意故事而
他如德勝營陽永城長興江陰靖海諸公悉求其裔
覈無詐冒者授以指揮俾之世襲庶於開國元勳可
無遺憾矣

今天下國公五獨魏黔公為開國元勳而侯之存者
僅懷遠臨淮寧遠靈壁武定然黔國之先則侯也懷
遠等四侯其先皆公也伯之存者獨誠意亦至嘉靖
而始復然則 成宣數代開國功臣僅魏黔及武定

三世家耳可發一歎

我明之制公侯伯子孫不世襲者謂之流公流侯流伯大抵流公為侯流侯為伯流伯則指揮使耳侯其更有大功方許世襲嘉靖十八年封翊國公郭勛尚用此例後不復講以故庚戌之後南北之寇患深而立勛之臣少嘉靖末遼東楊翼獲級八百止升都督同知萬曆李成梁之陞賞差厚然使用前例推之則當時處分尚未為合也

洪武十七年肅清逆黨榜列勲臣凡五十有七八內連歲總兵功高望重者八人徐達李文忠馮勝鄧愈湯和耿秉文吳良沐英專簿書而聽指示者一人李善長餘云云此榜多有不可曉者既載沐西平而傳穎公建下蜀之勲又與藍涼公平滇功在西平上却不得與名其列若止以存考論則徐中山以是歲沒尚可言而鄧寧河之捐館天李岐陽吳良亦以前

兩歲沒苟不分存沒則常聞平康德慶何以不載洪武三年以前功臣自徐常外德慶侯康永忠功最多官亦高而湯東甌和最為宿將大封之日二公皆當為國公而湯以守毗陵於忠少欠康以使所善儒生探上意僅各封侯平蜀之役湯復有過而康復有

大功然康之歿錫典俱不行而無幾湯遂開國矣康似是不不得死然其子許襲爵又不可曉

平蜀將帥古多不利自桓南郡外如吳漢岑彭之於公孫述鄧艾鍾會之於劉氏郭崇韜康延孝之於王衍王全斌輩之於孟昶大者倖貶小亦責數勲賞俱廢昔賢嘗紀之 國初如傳穎川康德慶之下明昇功最卓絕至勞 人主紀頌而賞亦薄二將俱不益封主帥湯東旤又數督責與昔所聞無異亦可恠也外戚恩澤今有存有 不存者 仁祖淳皇后皇明文衡所載楊王墓碑即其父也姓陳氏無名係絕

太祖高皇后馬氏父徐王馬公亦不詳其名無後

太宗文皇后徐氏父魏國公徐達今有魏定二公

仁宗昭皇后張氏父彭城侯麒今一伯 宣宗章皇

后胡氏父都督榮无顯者章皇后孫氏父安國公忠

今會昌侯存 景帝母吳太后後復為賢妃無顯者

英宗睿皇后錢氏父安昌伯貴弟承宗襲一輩絕故

第尚存睿皇后周氏父寧國公能今慶雲侯長寧伯

革 景帝汪皇后復為妃父兵馬指揮贈都督瑛無

顯者 憲宗純皇后王氏父阜國公鎮今瑞安侯崇

善伯安仁伯革 孝宗母皇太后紀氏父左都督福

善伯安仁伯革 孝宗母皇太后紀氏父左都督福

斌宗係絕敬皇后張氏父昌國公巒一昌國公一建昌侯削 睿宗母皇后邵氏父昌化伯林襲一輩今為都指揮獻皇后蔣氏父王田伯效今襲一輩絕武宗毅皇后夏氏父慶陽伯儒今絕 世宗悼靈皇后陳氏父泰和伯萬言今為都指揮繼后張氏父錦衣指揮楫今絕孝烈皇后方氏父安平侯銳今襲安平伯先是外戚恩澤侯伯多世傳者嘉靖中給事御史言濫恩當裁下大臣議以定公雖恩澤係太傅達子其彭城惠安雖以昭皇后椒房之故然亦自有戰功當留餘俱從革詔可一時翕然稱快

隆慶初元封慶都伯杜繼宗生母 太后父也固安伯陳景行仁聖皇后父也故事后父聘後初授鴻臚卿數月餘陞都督僉事久之始封伯以示有漸是時二公亦宜先加都督而後封伯不宜驟也

太祖初年官制革者中書省左右丞相平章政事左右丞參知政事參議左右司郎中員外郎左右司都事司農卿將作卿太史令弘文館學士直學士翰林學士承旨直學士待制尚書博士春夏秋冬四輔官起居注太子贊善大夫閣門大使觀察使秘書監少監考功監令監丞思文監令監丞回回監正副五官

正副磨勘司令司丞諫議大夫左右拾遺左右諫院
正言司諫符璽郎審刑司左右詳議參軍府左右參
軍六科庶吉士營田使君子衛舍人衛五軍都督府
斷事都督副使大都督府司馬大元帥帥府都事大
總管總管府判樞密院判官管軍萬戶指揮副使東
宮率府左右率左右率副使同知詹事院王府相王
傅王武傅蓋陰散其職於各曹故也有易名及陞降
品級者樞密院改都督府陞一級知院為左右都督
從一升正一同知院為都督同知正二陞從一僉院
為都督僉事從二陞正二御史臺改都察院降一級
御史大夫為左右都御史從一降正二中丞為副都
從二降正三侍御史為僉都從三降正四詹事院改
府知院為詹事副詹為少詹如故儀禮司改鴻臚寺
太常司為寺司天監為欽天監行中書省改承宣布
政司降三級丞相為布政舊正一今從二參知政事
為左右參政舊從二今從三參議舊正四今從四行
樞密院改都指揮使司降一級知院為使舊從一今
正二同知舊正二今從二僉事舊從二今正三肅政
廉訪司改提刑按察司品如舊尚寶寺改司舊三品
降五品六部陞二級尚書舊正三今正二左右侍郎

舊正四今正三翰林院降四級學士舊從三今正五
講讀學士舊正四今從五國子祭酒舊正三今從四
司業舊正五今正六六科舊四品降九品復陞八品
今爲正七品行人司舊從九品今爲正七品階有革
者開府儀同三司金紫光祿大夫銀青榮祿大夫勳
有革者護軍上護軍銜有革者錄軍國事叅軍國事
同知軍國事 文皇時官後革者行部尚書侍郎六
曹郎中員外主事上林六署 宣皇時官後革者弘
文閣學士

建文官制六部尚書升正一品增侍中一員正二品
所屬革清吏字戶刑二部改爲四司仍戶度金倉刑
都比門之舊工部增照磨所兵部革典牧所戶部革
贓罰庫都察院改爲御史府專治糾彈不復典刑獄
革右都及僉都御史左都曰御史大夫裁減十三道
御史止二十八員改通政司爲寺使及左右通政左
右叅議爲卿左右少卿丞大學士去大字革東閣大
學士革蓋正心文華武英四殿各置學士一員增待
詔拾遺補闕翰林復學士承旨 在學士上改講讀學
士爲文學博士凡二員設文翰文史二館文翰館居
侍講侍書五經博士典籍待詔侍書即中書舍人也

正七品文史館脩撰正六品編脩從六品檢討正七品侍書分附焉革大理寺左右寺正副左右評事增本寺首領官增太常寺典禮郎二員太祝一員光祿寺少卿舊五品陞四品寺丞舊六品陞五品增司圃所改司牲為孳生所太僕寺丞舊六品陞五品增錄事及典廐典牧二署驢驘等十八群滁揚等八牧監龍山等九十二群管鴻臚寺少卿從五陞正五寺丞從六陞正六革司賓司儀二署而陞鳴贊序班品級革行人司正以行人隸鴻臚陞國子監丞為堂上官欽天監增五官監候增選士院及應天府知候所五城指揮為兵馬陞各衛經歷品級增四十四衛武學及錦衣衛帶管武學教授王府設賓輔二員正三品伴讀伴講伴書各一員俱從七品長史司設長史一員正五品左右如故布政司升正二品自使至參議俱陞一級提刑按察司為肅政廉訪永樂初詔悉復舊建文君僅三年耳廢徙諸王易宮殿名更官制高帝肉固未寒也胡汲汲乃爾乎齊黃輔毗之失非一死固不足贖也

高帝散承相之職於六卿而以都御史司風紀加官如詹徽茹瑄不過太子少保亦二品也建文驟進六

部尚書正一品蓋欲使之與左右都督同而不知爾時都督皆武臣百戰而得之以故薦紳多殉節而介冑咸解體終文皇世一十二年雖太子少保亦不復加矣仁宗始置師保以加蹇夏西楊之積有勞勩者其後為定規文臣尚書大學士之加極於少師而公侯遂至三公則援徐中山之例而加張定興也弘治十八年加劉文靖健特進光祿大夫左柱國是時文靖已為少師故寧破例與正一品之階勩而不取議及三公嘉靖初楊文忠廷和定策元老滿十二年遂加至太傅固辭而止夏文愍言之加特進上柱國蓋欲以嘗世廟而為三公之漸也文愍見法後分宜有所懲故遂力辭上柱國至十八年滿加伯爵俸而不敢議及三公華亭公亦遂辭上柱國併辭伯爵俸矣愚以為高皇帝特設三公為文階則大臣之勩德隆重者似亦不必靳避也高皇帝之罷承相以權重耳且其時自李韓公劉誠意後無肺腑股肱之托與勩舊足稱者故不設也今以三公論道之尊而付之紈綺之輩以變理經邦之實而止於貳公之秩輕重不亦懸殊哉

會典所載正一品初授特進榮祿大夫加授特進光

祿大夫上柱國或左右柱國從一品初授榮祿大夫
加授光祿大夫柱國為文武階勲而實有不然者洪
武三年唯韓國公善長信國公達為特進光祿左柱
國而曹宋衛鄭四公皆榮祿右柱國也至於列侯亦
為特進榮祿柱國惟九年進封信國公和廿七年進
封梁國公胡顯皆光祿左柱蓋一時之特恩耳永樂
因之曹國公景隆加光祿左柱而淇國公福成國公
能仍榮祿右柱其列侯皆如洪武蓋五十餘年而文
臣無加一品者武臣自都督以下雖一品亦絕不聞
柱國之授宣德中蹇少師義楊少傅士奇至九年滿
加僅榮祿大夫而已正德四年實錄成士奇與少傅
楊榮俱進柱國少師蓋以為賞功之殊恩而非考滿
之恒典也成化初特加李少保賢最後加萬文康安
而吏部遂以加尹恭簡旻矣其後王端毅恕以滿考
亦得加柱國而兵部馬太保文升繼之矣弘治十八年
劉少師健遂超加特進左柱國而李文正東陽繼之
矣嘉靖十九年夏少師言至上柱國後分宜華亭加
而復辭矣陸太保炳以恩加柱國而朱忠僖希孝因
之矣然則內閣之有柱國自二楊始也其有特進左
柱國自劉文靖始也六卿之有柱國自尹恭簡始也

武臣無爵而有柱國自陸炳始也

前朝位三公而冠以開府儀同三司之階國初因之
後正其謬改為特進光祿大夫是矣然勲有正治上
卿正治卿以比於古之九卿而階仍資德中奉大夫
乃至三公三孤猶帶光祿大夫而三品中大夫其官
又自有光祿卿似亦未為盡妥也

高皇帝之世三公不以贈羣臣惟開平王得贈者蓋
其時韓公加大師魏公加大傅而開平當得太保故
耳若開國公贈王侯贈公伯贈侯都督贈伯此特設
以待高勲者宣英之世少師蹇義楊士奇楊榮少保

夏原吉楊溥俱得贈太師蓋一時特典而戶部郭資
金濂工部吳中後先贈伯則借軍功為辭寔三公不
以濫及耳非謂伯爵為優也若嘉靖隆慶間贈故都
督周尚文李涑岳懋之類皆當以侯伯爵為正

俸祿正一品歲支米一千四十四石從一品八百八
十石正二品七百三十二石從二品五百七十六石
正三品四百二十石從三品三百一十二石正四品
二百八十八石從四品二百五十二石正五品一百
九十二石從五品一百六十八石正六品一百二十
石從六品九十六石正七品八十七石從七品八十

四石正八品七十八石從八品七十二石正九品六十六石從九品六十石未入流三十六石按國朝祿數視前代差已薄而自宣德以後用糧運艱窘為辭五品以上三分折銀七分析鈔六品以下四分析銀六分析鈔折銀每石七錢折鈔者又改絹折銀每二十石不能一兩於是仰事俯育且不足而不能不假借於阜隸銀矣正統以前每兼一官則支一俸固辭者允正統以後兼官雖三四止從高者或以勞績勲猷加支則為特恩苞苴之風所以日益盛也其便若内外文武官三分本色七分析色每石定價六錢而阜隸銀減十分之四聽其正身或願募當役國家不過費數萬金數萬石米而阜銀又足當其半抑何正大明白也

內閣漢尚書令兼唐宋舍人學士職吏部漢唐宋宰相一重職兵部漢太尉宋樞密院職都察院漢中丞唐宋御史臺職京營總兵漢知南北軍唐左右神策宋三衙職錦衣衛漢司隸校尉執金吾職此六職者最重而雄不可不慎也京營用宿將勿以世祿參之錦衣用士人勿以緹騎為之可也

今六部彷彿周官之舊獨戶部分冢宰制國用之職

而宗伯兼司徒掌邦教之職耳繁簡劑量頗亦得宜
秋官之外復設都察院大理寺夏官之外復設五軍
都督府雖兵刑為重亦後世不得已之意耳總督撫
鎮寓古方伯連率意郡縣之設遠勝封建不得私民
而自養一也厲民者朝聞而夕報罷二也百里之國
有卿大夫上中下士今不過一令丞尉而已有宗廟
會同之費今悉無矣其節縮浮費三也要之不如古
者令太密文太繁兵民之途太分而已

天順改元少傅太子太師禮部尚書胡濙少傅太子
太師吏部尚書王直少保太子太傅工部尚書謹身殿大

學士兼東閣大學士高穀以老辭師傅保二職詔許
之各以尚書大學士致仕後俱贈太保成化乙巳太
子太傅吏部尚書尹旻革太傅為太子少保再革少
保以尚書致仕後亦贈太保蓋猶用保傅例加也

嘉靖中崔元以太保贈特進柱國費家以少保贈光
祿大夫楊一清費宏以少師贈太保許讚袁煒以少
傅贈少師比或政府軒輊或公議裁停或以甫復爵
位致疑或偶自 聖斷行下至隆慶初楊廷和蔣冕
俱久任台輔受遺定策生時一辭太傅再辭伯爵而
少師止贈太保少傅止贈少師及少保喬宇之類皆

僅轉一官似於褒揚未盡又至如石珪以進書遷彭澤以乞休遷俱少保矣却擬贈少保林俊以致仕加太子太保矣却擬贈太子少保林後雖改正加少保而石彭二公所加遂無一明之者此皆曹司奉行不攷之過也

高帝義子李文忠何文輝俱冒朱姓從皇姪文正行此外如徐司馬等皆義子也正德中錦衣都督錢安錢寧平虜伯江彬安邊伯許恭都督神周俱冒朱姓稱義子庚午初誅劉瑾封太監張永谷大用魏彬馬永成兄弟俱為伯義子朱壽亦封伯久之不知朱壽

所自北征還手勅吏部太師威武大將軍鎮國公朱壽歲支祿米五千石補本送科始知上別名也內閣大臣及科道俱有言不報宸濠反傳旨云便着提督軍務威武大將軍總兵官後軍都督府太師鎮國公朱壽提各鎮邊兵征勦蓋自謂也嘗閱爾時又稱所謂總督軍務者上也提督軍務者太監張忠平虜伯江彬也提督贊畫機密軍務者太監張永安邊伯許恭也噫亦乾坤一大變矣

泉州山人四部稿卷之二十七

泉州山人四部稿卷之一百七十五



